



I. Determinaziuns generalas

Num e sedia 01 Num e sedia

Sut il num Forum cultural Vischnaunca da Breil exista in'uniun el senn da Art. 60 ss CZS cun la sedia en Vischnaunca da Breil. L'uniun ei confessional- e politicamein neutrala.

Intent 02 Intent

L'uniun ha gl'intent da mantener e promover tuttas spartas e stentas che sefatschen-tan dalla culturala en vischnaunca. Las activitads cumpeglan las suandontas spartas tematicas:

- a) **Cultura:** cuminonza, usits, tradiziun purila, tradiziun religiosa, art ed artisanadi
- b) **Lungatg:** fatgs historics, dialect da Breil, biblioteca, prelecziuns, referats, cuors e scolaziuns,
- c) **Historia:** historia da vischnaunca, vitgs e pleivs, museums ed archivs, perscrutaziuns,
- d) **Architectura:** baselgias e capluttas, baghetgs cultur-historics, punts, piazzas commemorativas, fatscha dils vitgs
- e) **Cultira:** nums locals, piazzas culturhistoricas, sendas e vias culturhistoricas, valurs particularas dalla natira
- f) **Activitads:** excursiuns, commemoraziuns, referats, prelecziuns, projects da manteniment
- g) **Publicaziuns:** publicaziuns annualas, rapports, documentaziuns, cudischs, brochuras,

II. Commembradi

03 Commembers activs

Commeber activ sa mintga persuna naturala e giuridica daventar che ha interess pils fatgs culturals dalla vischnaunca da Breil.

04 Commembers passivs

Commebers passivs ein personas naturalas e giuridicas che sustegnan l'uniun finanziamein. Els han negin dretg da vuschar ed ein buca elegibels.

III. Organs

05 Ils organs dall'uniun ein:

- a) la radunonza generala
- b) la suprastonza
- c) ils revisurs da quen
- d) assessurs

La radunonza generala

06 La radunonza generala

ei il suprem organ dall'uniun. Ella vegn convocada dalla suprastonza ni dad 1/5 dils commembers activs. La convocaziun sto vegnir fatga cun indicaziun dallas tractandas sin la pagina da casa ed el FUS sil pli tard 10 dis avon la radunonza. Sil pli pauc ha liug

ina radunonza generala ad onn.

Ella s'occupa da suandontas fatschentas:

a) Approbaziun dil protocol dalla davosa radunonza

b) Approbescha il rapport annual

c) Approbaziun dil quen annual

d) Approbaziun dil program da lavur

e) Fixaziun dallas contribuziuns annualas

f) Elecziun dil president e dils uletriurs commembers da suprastonza e dils revisurs per in cuoz da 2 onns

g) Revisiun dils statuts

Tut tas decisiuns sco era las elecziuns vegnan pridias cul pli dallas vuschs dils votants.

La suprastonza

07 La suprastonza

secumpona da 5 commembers. Ella seconstituescha sezza e secumpona dil president, actuar, cassier e dus assessurs.

La suprastonza liquidescha las fatschentas currentas. Il president representa l'uniun e meina las radunonzas e sedutas. Igl actuar substituescha il president e scriva ils protocols dallas radunonzas e sedutas. Il cassier meina il quen ed incassescha las contribuziuns. Ils assessurs ein responsabels per la pagina da casa ed igl inventari dall'uniun.

Revisurs

07 Ils revisurs da quen

revedan il quen annual e la facultad dall'uniun e dattan rapport per mauns dalla radunonza generala.

IV. Finanziaziun e contribuziuns / Mieds finansials

08 Per contonscher las finamiras dispona l'uniun da suandonts mieds finansials:

- contribuziuns dils commembers activs,
- contribuziuns dils commembers passivs,
- contribuziuns da sponsurs e donaturs,
- contribuziuns da sustegn.

V. Determinaziuns finalas

Midadas

09 Ina revisiun parziala ni totala dils statuts

sa vegnir fatga sin proposta dalla suprastonza ni dad 1/5 dils commembers. Per quei intent drova ei 2/3 dallas vuschs dils presents.

Soluziun

10 La soluziun dall'uniun

sa mo la radunonza generala decider e quei cun silmeins 2/3 dils presents. Ina eventuala facultad duei vegnir impundida en favur dalla cultura ella vischnaunca da Breil.

Vigur

11 Vigur

Quels statuts van en vigur cun l'approbaziun a caschun dalla radunonza general dil "Forum cultural vischnaunca da Breil" dils 6 da december 2015 e remplazzan ils statuts dils 2 da zercladur 2010.

Danis, ils 6 da december 2015

il president *Ciril Friberg*

igl actuar *Andreas Pfister*